



Hortulus Biblico-Moralis Et Asceticus

Pappus von Tratzberg, Franz

Ulm, 1725

Dedicatio. Reverendissimo & Perillustri Domino Domino Francisco Carolo
Pappus à Tratzberg, Domino in Laubenberg & Rauchenzell, Cathedralis
Ecclesiæ Constantiensis Decano & Insignis Ecclesiæ ad S. ...

[urn:nbn:de:hbz:466:1-61252](https://nbn-resolving.org/urn:nbn:de:hbz:466:1-61252)

DEDICATIO.

Reverendissimo & Perillustri Domino

DOMINO

FRANCISCO CAROLO

PAPPUS à Trazberg,

Domino in Laubenberg & Rauchenzell,

Cathedralis Ecclesiæ Constantiensis Decano & Insignis Ecclesiæ
ad S. Joannem Præposito.

Perillustri ac Generoso Domino

DOMINO

JOANNI ANDREÆ

de PAPPUS & Trazberg,

L. B. IN LAUBENBERG ET RAUCHENZELL.

S. Cæs. & Regiæ Cathol. Majestatis excelsi Regiminis Superioris
Austriæ Consiliario actuali, atque Ditionum Bregenz & Hohenegg Archi-
Præfecto, nec non liberæ & immediatæ S. R. J. Equestris Nobilitatis
Consiliario ac Deputato Directoriali primario Cantonis
Hegov. Algovienſis & Lacûs Bodamici.

Dominiſ Fratribus ſuis Obſervandiſſimis.

Hinnocentes illæ deliciae, quas Vobis Horti vestri, omni florum ge-
nere exculti, æstivò tempore afferunt, ansam mihi dedere: Hor-
tulum hunc *Biblico-Moralem & Asceticum* Vobis dedicandi: ut quo-
rum corpora recreant flores physici, eorum quoque animas recreent flores

X 2

mora-

DEDICATIO.

morales & ascetici. Invito igitur Vos Observandissimi DD. fratres verbis Sponsæ Cantic. 5. *Veniat Dilectus meus* (uterque) *in Hortum*. Visurus in eo Charitatis Rosas, Castitatis Lilia, Violas Humilitatis, & sexcentos alios flores, quorum semina florentissimus ille Hortus mihi subministraverat, quem Deus Ipse *Fons Hortorum* Cantic. 4. Primitus per Moysen plantaverat.

Si stylum, scribendique methodum, quæ tam nobiles proponit flores, exactius considerabitis, eritis forsan dicturi cum Isaia cap. 1. *Velut Hortus absque aqua*. Sed defectum hunc supplebit irriguum superius, & aliud inferius Josue cap. 15. Textus videlicet S. Scripturæ tum Veteris tum Novi Testamenti, cœlesti succo plenissimi, figuris, allegoriis Historiisque conjuncti, atque SS. PP. & Doctorum Ecclesiæ sententiis selectissimis permixti. Hæc sacræ lectionis materia; etsi displiceant cætera, non poterit non placere, factura certè: ut sicut fuistis hæctenus, ita pergatis, magis ac magis *bonus odor Christi esse*. 2. Corinth. 2.

Clausulæ locò hoc unicum fraterno è pectore Spiro: *Florete* Eccles. cap. 39. *Florete virtutibus, florete annis, donec utrisque sat maturi, serò tandem deflorescatis, venturi abhinc in Hortum Regis* Jeremiæ 52. *Regis* inquam, *apud quem* teste Apostolo Jacobo cap. 1. *Non est transmutatio, nec vicissitudinis obumbratio*. Ita voveo

*Perillustrium ac Observandissimarum
Dominationum Vestrarum*

Devotissimus servus & frater

P. Franciscus Pappus à Trazberg,
Professus Augiæ majoris Brigant.
Ord. S. Benedicti p. t. Præbendarius
in Bregenz.

Facul-